



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

gramm Wiener Jahrb. Bd. 45 Anz. S. 65. Aeschylus Ag. 540 *Πύρις γὰρ οὔτε συντελής πόλις*. S. auch die zum Theognis v. 87 p. 93 von mir angeführten Stellen und G. Hermann in der Recension der Emsleyischen Medea p. 333 ed. Lip.

43 f. *κλαίων* ist matt, *γαῖαν κλαίων* mißtönend; wenn in *καλλίων* ein Name steckt (Hermann *Τρωλίον αἰζαον*), *αἰζαὸν* also Adj. (oder nach Hermann Subst.) ist, so fällt damit auch *Σαρδανίη*, worin die Stadt *Ἀζυνοί*, *Ἀζάνιον* gelegen haben soll (obwohl dahin Dardanien eigentlich nicht reicht): und *Σαρδιανήν* (mit leichter Synizese), Denneps Conjectur, empfiehlt sich dann sehr. Daß Antimachos mit seiner Lyde sich in Azanion niedergelassen haben soll, ist ohnehin eine kühne Annahme. B. 51 ist die Synizese *Ἀνακρέων* von Bergk zugelassen. B. 55 τὸ *Μύσιον Λεκτόν* (nicht *Σαρδάνιον*).

59 ἔρως' ἐγέραιρε Θεωρίδος, wie auch Griech. Trag. S. 305 emendirt ist. Doch zieht Bergk diese Verbesserung in Zweifel in der Zeitschr. f. WB. 1844 S. 764, was ich nicht thue. B. 57 schreibt derselbe *Κολωνήν* (für *Κολωνάς*); aber einfacher ist *κολώνην* als Andeutung des Namens *Κολωνός* zu nehmen.

J. G. Weidker.

Caroli Friderici Hermanni

Parergorum fasciculus secundus.

(Cf. vol. I, p. 573 sqq.)

XIII.

Plinius Hist. Nat. III. 19, §. 112 vix poterat scribere: *inungitur his sexta regio Umbriam complexa agrumque Gallicum circa Ariminum*. Arimino enim, ut legimus §. 115, regio octava determinabatur; quod igitur in confinio duarum re-

gionum situm erat, non poterat circa se agros habere, qui ad unam ex his duabus pertinerent: neque Gallos circa Ariminum tantum, sed ad Anconam usque Aesimque fluvium habitasse docent Livius V. 35, Strabo V. p. 217, ipsaque proxime sequentia: *ab Ancona Gallica ora incipit togatae Galliae cognomine*, quam Arimino tenus eadem regione sexta comprehendi consentaneum erat; cf. Kaempf Umbricorum specimen, Berol. 1834. 8, p. 52. Nullus igitur dubito quin legendum sit *citra Ariminum*, ut apud Varronem R. R. I. 2: *Ager Gallicus Romanus vocatur, qui viritiq; cis Ariminum datus est ultra agrum Picentium*: de ipso agro Gallico plura dabunt Livius XXXIX. 4, Cicero Cat. II. 3, pro Sestio c. 4. Sed in octava quoque regione insignis corruptela cernitur, quam valde miror adeo doctorum oculos fugisse, ut nescio quid reconditae memoriae Plinium servasse arbitrarentur, qui *Ravennam Sabinorum oppidum* appellaret; sic Kaempsius l. c. p. 77 *haud incredibile esse ait, Sabinos aliquando inter ceteras Umbro- rum gentes eas superioris Italiae regiones incoluisse, quibus Etrusci postea potiti sint*, neque improbabilem coniecturam fore arbitratur, *si quis statuât Sabinos antiquitus inter ceteros Umbros circa Padi ostia habitasse, inde vero ab Etruscis expulsos per Picenum ad meridiem versus commigrasse, dum circa Reate novas sedes invenirent, alia inde Umbrorum gente expulsa*; inque eandem sententiam Göttingius disputat Gesch. d. röm. Staatsverf. p. 9: *dass Nikolaos seine Nachricht ohne Zweifel von dem berühmtesten Geschichtschreiber der Umbrer Zenodotos hatte, welcher Sabiner und Umbrer als ein Volk betrachtete, und von welchem auch die Nachricht sein mag, dass die in Umbrien gelegene Stadt Ravenna sabinisch sei!* At enim vero Plinius aperte de sua aetate loquitur, qua et Sabinorum longe alios fines fuisse constat, et Ravennam Umbros incolas cum Romanorum colonis mixtos habuisse claris verbis Strabo V, p. 217 docet, nec si vel maxime primordia oppidi Plinius respiceret, haec a Sabinis repeti eiusdem Strabonis narratio p. 214 patitur, quam et Niebuhrius T. I, p. 41

et Muellerus Etrusc. T. I, p. 144 historico fundamento niti cencefferunt: καὶ ἡ Ραουέννα δὲ Θεσσαλῶν λέγεται κτίσμα· οὐ φέροντες δὲ τὰς τῶν Τυρρῶν ἰβρεῖς ἐδέξαντο ἐκόντες τῶν Ὀμβρικῶν τινὰς οἱ καὶ νῦν ἔχουσι τὴν πόλιν, αὐτοὶ ἀπεχώρησαν ἐπ' οἴκου. Zenodoto autem qui credat Sabinos ut apud Dionysium Hal. II, 49 est, μεταβαλόντας ἅμα τῷ τόπῳ τοῦτομα Σαβίλους ἐξ Ὀμβρικῶν προσαγορευθῆναι, idem Romulum ex Hersilia filium Avillium procreasse et Praeneste ab Ulyxis nepote Latini filio conditum esse sibi persuadeat, quod eodem teste Plutarchus V. Rom. c. 14 et Solinus Polyhist. II, 9 tradunt; alia, unde eius fidem existimemus, non exstant, neque ipsa narratio apud Dionysium ita comparata est, ut aut hunc ei quidquam auctoritatis tribuisse aut Zenodolum Sabinorum res accuratius cognitatas habuisse appareat, quos, si lectio sana est, a Pelasgis ex Reatino agro pulsos esse narrat, quem ipsum ad Dionysii usque aetatem incoluerunt. Merito igitur Micalius Storia degli ant. pop. Italiani t. I p. 70 illum appellat *compilatore d'una storia degli Umbri, ma scrittore poco avveduto nè molto antico*; sive quis Plinium etiam praevidere sequi potuisse obiciat, Zenodoti tamen nomen inter eos, quibus hic in praefatione se in libris geographicis concinnandis usum esse tradidit, frustra quaeret. Postremo ut Sabinos ex Umbris processisse largiamur, cuius rei quam ambiguum indicium sit apparet, certe non quidquid clara testimonia Umbris tribuunt, idem nomine tantum mutato ad Sabinos transferri poterit, quasi non hi tantum Umbri, sed etiam Umbri omnes Sabini fuerint; ipsaque loci natura, quamvis egregie patiatum Umbros, quos olim longe maiorem tractum occupasse constat, etiam post Gallorum invasionem in oppido paludibus tuto non minus incolumes mansisse quam Etruscos in simili causa medios inter Gallos Mantuae resedissee legimus, eadem omnino repugnat, ne Sabini, qui, si vel maxime Umbri fuerint, ex meridionalibus eius gentis sedibus exierunt, in ea Umbria regione collocentur, quae omnium maxime ad septentrionem vergit. Quid multa: manifesto cor-

cupla lectio facili emendatione in integrum restituetur, modo *Sapiniorum* oppidum Ravennam fuisse statuamus. *Sapiniam* tribum Umbriae partem Livius XXXI, 2 appellat, eamque Boiis contiguam ex eodem XXXIII, 37 cognoscimus, ut situs recte conveniat; accedit Sapis fluvius, quem ipse Plinius proximum post Rubiconem inter Ravennam et Ariminum collocat, unde si tribus illa nomen suum accepit, illam ipsam Umbro-
rum partem, quae a Gallis quasi intercepta trans Rubiconem remanserat, *Sapiniorum* nomen gessisse veri simillimum est. Una restat difficultas quod mox Plinius in eadem regione *Umbro-
rum* oppidum *Butrium* ita memorat, ut id Ravennae opponere videatur; quam ubi respicio, facile in eam sententiam me adduci patior, ut errorem, quem modo detexi, non librari-
orum, sed ipsius Plinii fuisse suspicer; error tamen nihilo secius manebit, nec si Plinium *Sabinorum* scripsisse tam plane constet, ut criticus editor mutationi locum non inveniat, histo-
ricus ideo vel geographus pluris hanc auctoritatem habebit, quam *Prodicum Selymbriae natum*, quem simili negligentia non librarius aliquis sed ipse Plinius XXIX, 2 in *Herodici* medici locum substituit; cf. nos ad Lucian. Hist. conser. p. 218 et Spengel. Art. script. p. 94.

XIV.

Lucianus Rhet. praecept. c. 17 inter plurima consilia, quibus speciosum artis oratoriae compendium ludibundus commendat, *μετὰ δὲ, inquit, ἀπόρρητα καὶ ξένα ῥήματα καὶ σπα-
νιακὶς ὑπὸ τῶν πάλαι εἰρημένα, καὶ ταῦτα συμφορήσας ἀπο-
τόξευε προχειρίζομενος εἰς τοὺς προσομιλοῦντας* inconcinno prorsus et scabro dicendi genere, cui parum succurres, ubi *μετὰ* adverbialiter dictum statueris, ut ab interpecte Latino factum est: *postea abstrusa sunt et peregrina verba et rarer-
enter a veteribus dicta*. Semper enim desideramus impera-
tivum, qui cum sequenti *ἀποτόξευε* per copulam iungatur, quem sive ex sequenti *συμφορήσας* repetieris, duram, sive per ellipsin verbi substantivi suppleveris, ambiguum orationem,

habebis, quia eodem iure ἔστι et ἔσται quo ἔστω suppleri poterit; nec mutata orationis exempla, qualia Funkhaenelius quaest. Demosth. p. 61 conguessit, tam leni et aequabili sermoni convenire arbitror. Est vero in promptu medela, ut, pro μετὰ scribamus μέτει, hic *persequere, quaere*, ut Herod. III, 15: τὸν μέντοι παῖδα εὖρον οἱ μετιόντες οὐκέτι περιέοντα: α et ει confundi notissimum vel ex Bastii comm. p. 706. Neque maiori difficultate emendabitur eiusdem locus c. 18: ἀπαντα μὲν ὅσα ἡ δυσχερῇ λεγέσθω καὶ ἐκφανλιζέσθω, ubi merito iam Iacobsius ad Philostr. Imagg. p. 665 in verbo λεγέσθω offendit, quod propriam reprobandi vel reprehendendi vim, quam sententia requirit, communis notitiae languore debilitat; quod autem pro eo substitui voluit ἐλεγχέσθω, haud scio an longius a literarum ductibus recedat quam ψεγέσθω, idemque opinor toto argumento magis conveniat, quod in proponendis eligendisque orationis ὑποθέσει καὶ ἀφορμαῖς reprehensionem potius quam refutationem admittit.

XV.

Conclamatus versus est Catulli Epithal. 109, quem vulgo ita legunt:

— *illa procul radicibus exturbata*

Prona cadit lateque et comminus obria frangens;

codd. autem longe alia praebent: *lateque cum eius, lateque et cum eius, lateque eius*, unde quod Scaliger finxit *comminus*, quamvis plerique editores probarint, mihi tamen semper frigidissimum oppositum visum est, quo arbor non solum procul, sed etiam proxime occurrentia sternere dicatur. Idem Vossii iudicium est p. 205, qui putidam lectionem et Catullo prorsus indignam censet; ipse tamen mirum in modum lapsus est substituendo *quaecumvis*, quae si maxime latina vox esset, fluxam potius prosae orationis negligentiam quam poëticum colorem referret. Atenim in desperato loco etiam audacia veniam habet; scribamus igitur:

late qua funditur obvia frangens,

ut apud Martialem VIII, 75. 4:

et iacuit toto corpore fusus humi,
neque aliena illa Cic. Senect. c. 15: *ne silvescat sarmentis*
et in omnes partes nimia fundatur; Virgil. Aen. I, 193: *cor-*
pora fundat humi: Plin. Hist. N. XVIII, 13 §. 129: *in latitu-*
dinem fundi etc. Quamquam exemplis vix opus est in re per
se clara; quod si modo librorum lectio ex hac oriri potuisse
videatur, a sententia pariter ac sermonis usu coniectura
tuta est.

XVI.

In spicilegio annotationum ad Iuvenalis Satiram ter-
tiam, quod Marburgi a. 1839 publica auctoritate edidi, unum
locum quamvis difficillimum non attigi, quia nec mihi de eius
interpretatione satis constabat; nunc iteratis curis invenisse
mihi videor, de quo eruditorum iudicia eliciam. *Omnia Romae*,
inquit v. 183,

Cum pretio; quid das ut Cossum aliquando salutes,

Ut te respiciat clauso Veiento labello?

Ille metit barbam; crinem hic deponit amati;

Plena domus libis venalibus; accipe et istud

Fermentum tibi habe: praestare tributa clientis

Cogimur et cultis augere peculia servis;

quibus in verbis duae res maxime ambiguae sunt: quid sit
fermentum, et quo sensu *venalia liba* dicantur, quae sive cli-
entes servis sive hi illis offerant, non statim apparet, quae in
eo negotio venditio cernatur. Ac fuerunt iam inter librarios,
qui propter eam ipsam causam *genialibus* scribere mallent;
id vero protinus contra poetae morem fieret, qui epithetis or-
nantibus quae appellantur, hoc est otiosis, strenue abstinet ne-
que quidquam facile praedicati sine acumine tectique consilii
calliditate addit; eaque tantum quaestio restat, utrum *venalia*
ea intelligamus, quorum tanta copia a clientibus patrono con-
feratur, ut servi ea vendant, aut Rothii interpretationem am-
plectamur in edit. Norimb. eius propositam, qui *clientem* ait,

ut patroni servos fautores habeat, aut emere liba cogi aut dono data accipere eiusque muneris gratiam praesenti numerata pecunia referre. Prioris sententiae longe maior est auctoritas, si quidem a Britannico inde certatim ab interpretibus repetita est ipsosque recentissimos editores Heinrichium et Weberum assentientes habet; mihi tamen, quod pace tantorum virorum dixerim, nec liba nota sunt, quae patronis a clientibus offerri solerent, nec si maxime solita sint, tanti haec dona haberi poterant, ut vel tributorum nomen mererent, vel si venirent, cultorum servorum peculia magnopere auctura essent. Unice recte Rothius, modo clarius rem enarrasset, simulque *fermentum* rectius explicuisset, quam factum est verbis: *illas placentas devora, undē animus tuus ferveat*, cui interpretationi vel Rupertianam praeferam: *audi et hanc irae causam tibi habe*, quamquam *accipe* cum Rothio ad *liba* referre malim. Res, ut paucis aperiā, haec est: patronum barbam metere crinemve amasii deponere non sunt, ut Heinrichius explicat, excusationes servi, clientem gratis admittere nolentis, sed festae occasiones, quibus ex vetere proboque more clientes quoque adhibentur; servorum tamen avaritia his quoque utitur ad pecuniam a pauperibus hominibus exigendam. Domus plena est libis, quorum ut in opulentis aedibus larga copia ad rem sacram parata est, cui qui intersunt, itidem ex vetere proboque more, quemadmodum foederis Latini socii carnem in monte Albano accipere solebant, suam quisque liborum partem accipit: haec vero qui clientibus distribuere iubentur servi, pro remuneratione mercedem exigunt eodem modo, quo Lucianus de Merc. Cond. c. 14 vernam, qui clientem ad coenam vocet, quinque ut minimum drachmis propitiandum esse ait: εὐθύς οὖν πρόσσεισι παραγγέλλων τις ἥκειν ἐπὶ τὸ δεῖπνον, οὐκ ἀνομίλητος οἰκέτης, ὃν χρὴ πρότερον ἔλεων ποιήσασθαι παραβύσαντα εἰς τὴν χεῖρα, ὥς μὴ ἀδέξιος εἶναι δοκῇ, τοῦλάχιστον πέντε δραχμαίς: ubi vel ea nos similitudo advertit, quod οὐκ ἀνομίλητος οἰκέτης fere idem est, qui Juvenali *cultus vervus* dicitur. Atque hoc sensu

opinor, *venalia liba* non sine summa acerbitate dicuntur, quorum ex vetere more gratis clientibus debeantur, iam multo pluris his constant, quam simplicissimi et insulsissimi cibi pretium sit; tu tamen, inquit poeta, accipe illa, neve nimis tibi insipida videantur, quasi pro fermento hanc ipsam cogitationem adde, clientes tributa praestare servorumque longe ipsis lautiorum peculia augere cogi. Liba enim, qualia Cato R. R. c. 75 describit, ex farina, caseo et ovo confecta omni fermento carebant; hoc igitur ut accedat, poeta salse eam cogitationem commendat, quae quia bilem movet, notissima metaphora *fermentum* dici potest; non, ut Rothius explicat, quo ipsis placentis devorandis animus fervescat, sed per ironiam, ut illarum insulsiatatem stomachus et indignatio quasi condiant. Sic omnia recte procedere videntur; ne tamen hoc ipsum caput critico aliquo condimento careat, videant lectores, ne in scholio ad hunc locum pro *dulcium* scribendum sit *edulium*. Manet utique vel sic insipida glossa: *fermentum edulium malum, quod stomachum indigestum praestat*; id vero scholiastae illi cum multis aliis condonandum est, *dulcium* neque homo Latinus unquam dixit, nec si dixisset, *fermentum* sic appellare poterat.

XVII.

In Ciceronis epistola ad Att. XI. 13 vitium inesse verbis: *deinde perscribit spurcissime, quas ob causas fecerit*, iam Moseri acumen sensit Symb. crit. ad Cic. spec. V, Ulm. 1841, p. 18: emendationem tamen minus aptam proposuit *apertissime*, quod et a literis nimis recedit et laudem continet, quam scriptor fratri vix tribuere voluit. Nisi fallor, scribendum est *parcissime*, qua voce ipsa causa declaratur, quapropter illi Quintus parum satisfecisse videbatur. Alia corruptela, quam neminem adhuc advertisse miror, latet in epistol. XIV. 22, ubi Cicero *Idus Martias magnum mendum continere* queritur, nimirum, ut identidem declarat, quia coniurati non simul cum Caesare etiam Antonium sustulerint; inde autem pergit: *etsi*

illi iuvenes ἄλλοις ἐν ἐσθλοῖς τόπῳ ἀνωθοῦνται νόγον quod quo spectet nescio; neque enim usque ad Idus Maias, quo tempore haec epistola scripta est, quidquam ab illis factum erat, quo negligentiam illam compensare viderentur. Quid multa? scribamus *nisi* pro *etsi*, quo facto id ipsum dicet, quod solum illi tempori accommodatum est, nisi Brutus et Cassius aliis rebus gestis damnum reparaverint, Idus Martias se non tam quam antea consolaturas esse. Similis causa est ad Famil. X. 11, ubi nemo unquam offensus esse videtur extremis verbis: *quod si nihil profecero, nihilominus maximo sum animo et maiore fortasse cum mea gloria vobis satis faciam*, ego vero nullus dubito, quin Plancus scripserit *maximo cum animo*. Quamvis enim magna hominis confidentia sit, in vulgata tamen lectione pinguius se ipse laudat, simulque concinnitatem turbat, qua comparativum cum autecedentibus ita contineri consentaneum est, ut *animus* et *gloria*, quorum magnitudo comparatur, ad idem satisfaciendi verbum pertineant. Neque aliter existimo de loco orationis pro Marcello c. 7, qui vulgo sic legitur: *sed quisnam est iste tam demens? de tuisne? tametsi, qui magis sunt tui, quam quibus tu salutem insperantibus reddidisti? an ex eo numero, qui una tecum fuerunt* etc. Varietatis nihil enotatur; in sequentibus demum, ubi redit quaestio: *an si tui nihil cogitant sceleris, cavendum est, ne quid inimici?* pro *an* in antiquis editionibus est *at*, quod etsi illo loco minime convenit, priori tamen adeo necessarium esse arbitror, ut vel invitis libris *at ex eo numero* rescribere sustineam. Nempe duo tantum hominum genera sunt, quae orator interrogando distinguit, Caesariani et inimici, quo per alterum demum *an* transit; prius si recte haberet, ipsos qui una cum Caesare fuerunt Caesarianis opponeret, quos *tuorum* vocabulo appellat; nec parenthesis, quae a *tametsi* orditur, alia vis est, quam ut communiter quidem omnes, qui a Caesare servati sint, *ipsius* esse fateatur, nunc tamen eos solos intelligi velit, qui illum in bello comitati sint; cui sententiae ut *an* prorsus alienum est, ita *at* apprime convenit: cf. Hand.

Turs. t. I, p. 407. Denique quoniam in Cicerone versamur, etiam Tuscul. I. 31 vetus vulnus latere videtur, quod iam libarii corrigendo vel exulcerarunt: *quaererem ex eo, cuius suorum similis fuisset Africani fratris nepos? facie vel patris, vita omnium perditorum* etc. Alii omiserunt *vel*, alii iunxerunt *fratris facie vel patris*, intelligentes scilicet illam particulam augendi vim non sine summo languore exercere; at multo lenior medicina fuerit scripsisse *facie avi vel patris*, praesertim quum *nepotis* vocabulum *avum* aperte flagitare videatur.

XVIII.

In Antholognomico Orionis, quod a Schubarto nostro acceptum Schneidevinus edidit Coniect. crit. p. 50 haec leguntur ex Euripidis Meleagro:

τὸ τ... κράτιστον. καὶ γυνὴ κρατε... ἦ,
τοῦτ' ἐστ' ἀρετῇ τὸ δ' ὄνομα οὐ διαφέρει.

Alterum versum Meinekius ibidem emendavit: τοῦτ' ἐστὶν ἀρετῇ τὸ δ' ὄνομα οὐχὶ διαφέρει: priorem autem et ipse doctissimus editor satis habuit supplere et Welckerus pariter atque Hartungus recte a Meleagro dici putarunt, qui litem de praemio Atalantae decernendo ita dirimat, ut fortissimum quemque, sive mas sive femina sit, optimum esse dicat; cf. Welckeri griech. Trag. p. 1599: *wer die grösste Kraft bewies, der hat die ἀρετῇ, ist ἀριστος, Mann oder Weib; dieser Name der Person macht keinen Unterschied*; et Hartung. Eurip. restit. t. I, p. 147. Nobis tamen, si ista poetae sententia fuisset et clarius et venustius scripsisse videtur ἀριστόν ἐστι, non τοῦτ' ἐστὶν ἀρετῇ, qua in constructione anceps certe manet, utrum ἀρετῇ subiectum an praedicatum sit, nec si maxime praedicatum esse velis, abstractum pro concreto tali praedicato convenire dixerim; postremo maris et feminae maius discrimen est, quam quod in solo nomine ponatur. Fallor an scripsit Euripides:

τὸ τοι κράτιστον, καὶ γε μὴ κράτιστον ἦ,
qua in lectione quod oxymoron inest, ipsis illis: τὸ δ' ὄνομα

οὐχὶ διαφέρει, confirmari videtur, si quidem poeta in ambiguitate verbi κράτιστον ludit, quod et *optimum* et *potentissimum* significat; hac igitur ambiguitate negat se deterreri, quo minus virtutem, quamvis externo splendore et potentia carentem, optimam existimet. Fabulae autem argumento quomodo haec sententia conveniat, facile intelliget, si quis hos versus recorderetur, quos ex eadem Stobaeus Serm. LXXXVII servavit:

μόνον δ' ἂν αὐτὰ χρημάτων οὐκ ἂν λάβοις,
γενναιότητα καρετήν· καλὸς δέ τις
κἂν ἐκ πονηρῶν σωμάτων γένοιτο παῖς:

quos sive cum Welckero Meleagro sive cum Hartungo Althaeae tribuamus, artissime cum nostris coibunt adeoque concinna oratione cum illis iungi poterunt: *optimum profecto est virtus, etiam si non optima conditione utatur, solamque ne maximis quidem opibus redimas, sed vel obscuro loco probus nasci potest.* Sed de fragmentis semper lubrica quaestio manet; certior res in superstite fabula Bachis v. 324, ubi satis mirari nequeo quod nemo adhuc in lenissimam medelam incidit:

μαίνει γὰρ ὥς ἄλγιστα, κοῖτε φαρμάκοις
ἄκη λάβοις ἂν, οὐτ' ἄνευ τούτων, νόσοις,

hoc est: *nullo modo morbo tuo medicinam invenies*, notissimo loquendi genere, quod docte illustrarunt Langius Vind. trag. Rom. p. 49 et Kritzius ad Sallust. Cat. p. 77. Sic in ipsa hac fabula v. 793: οὐτε πάσχων οὐτε δρῶν σιγήσεται; itemque Plat. Epist. VII, p. 324 B: οὐκ ἀνάξιον ἀκοῦσαι νέῳ καὶ μὴ νέῳ; Demosth. adv. Steph. I, 24, ὅπως δικαίως καὶ ἀδίκως δόξει ταῦτα ὁ πατήρ οὐμὸς διαθέσθαι; Plaut. Asin. I, 3 dignos indignos adire; Pers. Sat. III, 30: *ego te intus et in cute novi* etc. Neque in Helenae loco v. 397 ubi Callisto Ledam felicitate superasse dicitur, de corruptissimis verbis emendandis desperamus; quae quum vulgo sic legerentur:

ἂ μορφῇ θηρῶν, λάχνα γνίων,
ὄμματι λάβρω σχῆμα λεαίνης
ἐξαλλάξασ' ἄχεα λύπης,

multum quidem post alios iam Hermannus profecit scribendo:

ἃ μορφᾶς θηρῶν λαχνογυίων

ὄμματι λάβρω σχῆμα διαίνεις,

sed ut διαίνεις certe et a literarum ductibus nimium recedat et sententia satis coacta prodeat: *quae formae hirsutarum ferarum speciem largo oculo defles, commutato pondere doloris*. Desideramus enim tertium comparationis, quod non in formae commutatione, sed in materno aliquo sensu cerni antecedentia suadent: ὥς πολὺ ματρὸς ἐμᾶς ἔλαχες πλέον, neque opinor felix praedicari potest, quae commutatione doloris pondus largiter defleat; omnia autem facillime expediantur, ubi pro λεαίνης reposuerimus λεαίνεις, *laevigēs*, quo ipsa ursa mater ad vivum describatur. Hanc enim catulorum suorum formam lambendo fingere vetus fama erat, cf. Plutarch. de amore prolis c. 2: ἡ δὲ ἄρκτος, ἀγριώτατον καὶ σκυθρωπότατον θηρίον, ἄμορφα καὶ ἄνυρθρα τίκτει, τῇ δὲ γλώττῃ καθάπερ ἐργαλείῳ διατυποῦσα τοὺς ὑμένας οὐ δοκεῖ γεννᾶν μόνον, ἀλλὰ καὶ δημιουργεῖν τὸ τέκνον, et Aelian. Hist. Anim. II, 19: ἡ δὲ ἤδη φιλεῖ καὶ γνωρίζει τέκνον καὶ ὑπὸ τοῖς μηροῖς θάλπει καὶ λεαίνει τῇ γλώττῃ καὶ ἐκτυποῖ εἰς ἄρθρα: hoc igitur nomine vel Leda feliciores audit, quae tantas filiarum calamitates experta est, illa vero in brutam bestiam mutata exulis molestis quamvis hirsutae prolis educatione laetatur.

Veriſtigu ng.

©. 206 lies Riepert für Repert, und Dobrit für Verbit.